

## Boliviano - Allin-ManaAllin Yuwaynin Qilqasqakuna - Good-Bad Mind Scriptures

### Allin Yuwaynin - Good Mind Scriptures

Marcos 5:15 Jayk'aqchus Jesús qayllaman chayamurqanku chhikataq, chay chakurijina millay saqra supaykunayuq runataqa, sumaq k'uchi p'achallt'asqa jinataq yuwaynimpi kachkaqta Jesús qayllapi tiyaykuchkaqta tariparqanku. Runakunataq chayta rikuspaqa mulljasqa kachkarqanku.

Lucas 8:35 Runakunataq imachus ruwakuchkarqan chay rikuq lluqsimurqanku. Jayk'aqchus Jesús qayllaman chayarqanku chhikataq, pimantachus chay millay saqra supaykuna lluqsichkarqan chay runataqa sumaq p'achallt'asqa k'uchi runata Jesuspaq chakinkuna chhikapi tiyaykuchkaqta rikupurqanku; jinaspataq ancha mulljasqa qhiparapurqanku.

Hechos 17:11 Kay judiokunaqa, Tesalónica judiokunamanta niqtimpas astawan sumaq sunquyuqmi karqanku, chayraykutaq allin sunquwan chay willaykunata jap'iqarqanku, jinaspataq sapa p'unchaykuna Qilqasqakunata chiqapunichu kanman manachu icha chayta yachqatanapaq ñawirirqanku.

Hechos 20:19 Llamp'u sunquwan Apu Tataman jaywaspa tukuy p'unchaykunam qankuna chawpipi, ancha waqaykunapi jinataq judiokunapaq nuqaman imaymana ruway munasqankurayku achkha yanariykunapi ima kachkarqani.

Romanos 7:25 Pimanchus Jesucristo Tatanchisnipta yuspärayta quni chay Diosllam qhispichiwanqa. Ajina kaqtinga: Nuqaqa Diospaq kamachiyninmanmi jap'ichikupunayqa, chaywampas pisi kallpa kayniypiqa juchapaq kamachiyninman jap'ichisqam kachkani.

Romanos 8:6 Pisi kallpa kayninchispi yuwayninkunamanta llakikunaqa wañuymanmi pusan; chaywampas Ajayupi kaqninkunamanta llakikuyqa kawsayman jinataq sumaqpi kaymanmi pusan.

Romanos 8:27 Diostaq, pichus tukuypaq sunqunkunata sumaqta qhawachkan, chaymi Ajayupaq imaniytachus niya munachkan chayta yachapun. imaraykuchus Ajayuqa ch'uwa llaqtapi kaqkunamantam Diospaq munayninmanjina mañakun.

Romanos 11:34 Imaraykuchus “¿Pitaq Diospaq yuwachkasqanta yachanmanri? ¿Pitaq payman ninrinchariykunata qunmanri?

Romanos 12:2 Amaña kunampacha yuwaykunamanjina kawsapuychisñachu; chaymanta niqtimpas, yuwayniykichispipa musuqmanta yuwapuychis ajinamanta qankunapaq kawsayniykichisqa astawan allin kapunampaq tukuspa, ajinamantam qankunaqa Diospaq munayninta riqsipunkichis, kaytaq niya munan, imachus allin kachkan, imachus paypaq sunqunman chayaq kachkan jinataq imachus chiqan kachkan chaytapas riqsinaykichispaq.

Romanos 12:16 Qankuna chawpipipa ujmanta uj sumaqpipuni kawsakuychis. Ama umaykichista uqharispa puriykachaychischu, manachayqa llamp'u sunquyuq tukuychis. Manataq yachaysapas kawaqchis ajinata tukuychischu.

Romanos 14:5 Wakinkunaqa waj p'unchaykunamanta niqtimpas uj p'unchayllatam astawan allimpas kanman ajinata rikunku, jinataq wakinkunapaq tukuy p'unchaykunapas kikillampas kanman ajina yuwaqkunapas kallantaqmi. Sapa

ujmi imaynatachus yuwachkan chaymanjina ruwananqa.

Romanos 15:6 Ajinamanta uj kunkalla tukuyninku Diosman mayqinchus Tata Jesucristopaq Tatan kachkan chayman yupaychanankupaq.

- 1 Corintios 1:10 Wawqipanakuna Tatanchis Jesucristopaq sutimpi mañarikuykichis, tukuy qankuna uj yuwayniyuqla kanaykichis, jinataq qankuna chawpipiqa ama ima t'ipinakuykunapas kachunchu. Uj yuwayllawan jinataq kikinta munaspa uj sapa wawapas kawaqchis ajinatapuni sumaqpi kawsakuychis.
- 1 Corintios 2:16 Imaraykuchus Qilqasqakunapiqa ajinatam nin: “¿Pitaq Dios Tatapaq yuwayninta riqsinri? ¿Pitaq payman yachachinmanri?” –Nispa. Chaywampas nuqanchispaqqa Cristopaq yuwaynim mi kapuwanchis.
- 2 Corintios 7:7 chaywampas manam chayamusqallanwanchu, manachayqa qankunaryku paypaq ancha kallpacharisqa kasqanraykum. Payqa qankunapaq nuqaykuman anchatapuni rikuya munasqaykichismantam rimapayariwanku, jinallataq qankunapaq nuqarayku sunquykichista nanarichikusqaykichismanta jinataq llakirikusqaykichismantam willariwanku; tukuy kaykunawanqa astawanraqmi nuqaqa kusirikuni.
- 2 Corintios 8:12 Imaraykuchus, chiqampipuni pipas quyta munan chhikaqa, atisqanmanjina qusqantaqa tukuy sunquwanmi Diosqa paypaq qusqanta jap'iyan. Diosqa manam pimantapas mana kaqnintaqa mañachkanchu. (1 Crónicas 28:9)
- 2 Corintios 9:2 imaraykuchus tukuy sunqu ruwaq kasqasqaykichistaqa riqsipuykichisñam. Qankuna Acaya suyupi kaqkunapaq yanapariy sunquyuq kasqaykichismantaqa, Macedonia suyupi kaqkunaman qaynawatamantapacham ancha kusikuy sunquywan ruwasqaykichismanta nirqanipuni, chayraykum Macedonia suyupi kaqkunaqa achkhayuq kallpacharikurqanku.
- 2 Corintios 13:11 Wawqipanakuna, tukuchanapaqqa, qankunapaq kusikuywan kawsakunaykichista jinataq kawsayniykichispi chiqan kayta maskanaykichistam munani. Kallpacharikuychis, jinataq sumaq kaypi kawsakuychis; imaraykuchus munaku niyuq jinataq sumaqpi kayniyuq Diosqa qankunawampunim kachkanqa.

Efesios 4:23 Qankunaqa musuqmantam yuwayniykichispi yuwapunaykichis, Filipenses 2:2-5 tukuyniykichis uj sapa munakuywan, uj sapa ajayuwan jinataq uj sapa yuwaypi ujchasqa sumaqpi kawsakusqaykichiswan kusirichiwaychis. 3 Tanqanakunapaq jinataq umaykichista uqharinallapaqqa ama imatapas ruwaychischu, manachayqa llamp'u sunquwan jinataq sapa uj pay kikinmanta niqtin wakinkunaqa astawan allimpas kachkanman ajinata yuwaspa imatapas ruwaychis. 4 Ama pipas pay kikimpaq allimpi kanallanta maskachunkuchu, manachayqa wakinkunapaq allimpi kanantaqa maskallachunkutaq. 5 Imayna yuwaywanchus Cristo Jesusqa puriykachakurqan, kikin yuwayllawantaq qankunaqa ujmanta ujkunawan puriykachakuychis,

Filipenses 4:2 Evodia pananchisman jinallataq Síntique pananchisman ima, imaynatachus Tatapi kaq panantimpura kananku ajinata uj sunquyuq kayllaman chayanankupaq mañarikuni.

Filipenses 4:7 Ajinamantam Diosqa sumaqpi kayninta qusunkichis, chay sumaqpi kaytaq kaypacha runakunapaq manam yuwaywan jap'iqananjinachu kachkan; jinaspataq kay sumaqpi kayllataqmi sunquykichista jinataq yuwayniykichistapas Jesucristoniqta allimpi kanampaq rikupunqa. (Isaías 26:3)

Colosenses 3:12 Diosqa qankunata munakusunkichismi jinaspataq ch'uwa llaqtampi kanaykichispaqmi ajllikusunkichis. Chayrayku qankunamanta imayna kanaykichistaq munakun ajinata kawsakuychis: wakinkunaman munakuspa, sumaq runakuna kaspa, llamp'u sunquyuq, ancha munakuyniyuq jinataq suyay sunquyuq kaspa.

2 Tesalonicenses 2:2 ama piwampas pantay ñanman pusachikuychischu. Pipas Tata Jesuspaq kutimuynin p'unchay chayampunñam nispa nisunkichis chhikaqa ama mulljakuychischu. Ichapas wakinqa "Ch'uwa Ajayum ajinata niwan" nispa llullakunman, manachayqa nuqayku kikimpas ajinata yachachiykuman jinataq qilqaykumamapas ajinata llullakunkuman, amapuni mulljakuychischu.

2 Timoteo 1:7 Diosqa manam uj manchali kanapaq ajayuta quchkawanchischu, manachayqa uj atiyniyuq kananchispaq, munakuyniyuq kananchispaq jinataq chiqampi yuwatatachikuq ajayutam quwanchis.

Tito 2:6 Ajinallataq waynakunamanqa tukuy imapipas allin yuwayniyuq kanankupaq yachachiy,

Hebreos 8:10 Israel llaqtawan ima rimthapiytachus chhaqay p'unchaykunamanta kunan ruwasaq chayqa kaymi, nispam Tataqa ajinata nin: Kamachiyniykunatam umampi churasaq jinaspataq sunqumpi qilqaykusaq. Nuqam paypaq Diosnin kasaq paykunataq llaqtaymi kanqaku.

1 Pedro 1:13 Chayrayku wakicharisqa kachkaychis jinataq allin yuwayniykichiswan puriykachakuychis. Jayk'aqchus Jesucristo rikhurimuchkanqa chhika imatachus Diosqa munakuynimpi qankunaman quchkasunkichis chayman tukuy suyayniykichista churaychis.

1 Pedro 5:2 Imaynatachus uj michiqqa uwijankunata rikuchkan ajinata Diospaq uwijankunata munasqanmanjina rikuriyechis, manallataq mat'iykusqajinapas jinataq qulqiraykupas rikuychischu, manachayqa tukuy sunquwan rikuychis, imaraykuchus paykunaqa Diospaq uwijankunam kanku.

2 Pedro 3:1 Munasqa wawqipanaykuna, kaymi qankunaman iskaykaq qilqamusqayqa. Chay iskaynin qilqamusqaypim ninrinchariykunata qankunaman quyta munarqani, ajinamanta chiqampijina yuwanaykichispaq.

Santiago 1:17 tukuy allinkaq jinataq chiqankaq nuqanchisman qukuwanchis chayqa janaqmantam jamun, pichus janaqpachapi kaq quyllurkunata ruwachkarqan chay Diosmantam jamun. Diosqa kikimpunim kakuchkan: paytaq manam jayk'aqpas waqniqman kutirichkanmanchu. (Job 23:13)

Apocalipsis 17:9 Kaypim pichus yachayniyuq jinataq ch'iki yuwayniyuq kachkan chayqa yachakunqa: Qanchis umakunaqa, maykaq qanchis urqukuna patapichus chay warmi tiyqatasqa kachkan chaytam niyta munan; qanchis umakunaqa, qanchis qhapaq suyu apaykachaqkuna niytapas munallantaqmi.

Marcos 7:21 Imaraykuchus runapaq sunqun ukhumantam suwakuna, wañuchiykuna, khuchichakuykuna, millay yuwaykuna, (Ezequiel 38:10)

Lucas 12:29 Ajinaqa, mikhunata jinataq ujyanata maskaspa ama llakisqa puriykachaychischu.

Hechos 12:20 Herodesqa Tiropi jinataq Sidonpi tiyaq runakunapaq phiñakusqa kachkarqan, chaykunataq paypaq ñawpaqinman purinapaq rimanarikurqanku. Paykunataq Blasto sutiyuq qhapaq suyu apaykachaq Herodespaq kurajkaq runampaq khuyapayakuyninta tariparqanku, jinaspataq payniqta sumaqpi kanankupaq mañarikurqanku, imaraykuchus Tiro jinataq Sidonwanqa qhapaq suyu apaykachaq Herodespaq jallp'anmantam imaymana rantikuykunata rantikuq karqanku.

Hechos 14:2 Chaywampas mana iyaw nichkarqanku chay judiokunaqa, mana judío runakunata wawqikunaman mana allimpi churanankupaq simita sat'irqanku.

Romanos 1:28 Diosman mana uyariya munasqankuraykutaq, payqa millay mana allin yuwayninkunamanjina imachus mana ruwana kachkan chay ruwanankupaq paykunata saqiwachapurqan.

Romanos 8:6,7 Pisi kallpa kayninchispi yuwayninkunamanta llakikunaqa wañuymenmi pusan; chaywampas Ajayupi kaqninkunamanta llakikuyqa kawsayman jinataq sumaqpi kaymanmi pusan. 7 Pikunachus pisi kallpa kayninchismanjina puriykachanapaq llakikunku chaykunaqa Diospaq chhiqnikuqninkunam kanku, imaraykuchus manam Diospaq kamachiyninmanjina junt'ayta munachkankuchu manataq atichkankupaschu.

Romanos 11:20 Arí, paykunaqa mana iyawniyuq kasqankuraykum t'ipirpayasqa kapurqanku, qankunataq payman iyaw nisqaykichisraykullam chaypi kachkankichis. Ajinaqa ama umaykichista uqhariyechischu, manachayqa qhawaqarikuspa puriykachaychis.

2 Corintios 10:5 jinataq imaymana athunchakuychus Diosman riqsinata jark'achkanku chaykunata t'unarquyku. Tukuy runapaq yuwayninkunataqa Cristopaq chakin pampamanmi churaykuyku, ajinamanta payman uyarinampaq,

2 Corintios 11:3 Chaywampas, imaynatachus Eva warmiqa palliwan sallqaykuchikuchkarqan ajinallatataqmi qankunaqa sallqaykuchikuwaqchisqa, jinaspataq manañam chiqan jinataq ch'uwa sunquwan Cristomanta yuwakupuwaqchischu.

Efesios 2:3 Kayjinamantam ñawpaqpachapi kawsakurqankichisqa, mana allin ruwaykuna yuwayninchiskunata qatispa, jucharara kay aychanchispaq munayninta jinataq chaypaq yuwayninkunata junt'aspá. Chayraykum nuqanchisqa, wakinkunajina astawanraq Diospaq manchay asut'iyninta jap'iqananchis karqanqa.

Efesios 4:17 Kaymi Tatapaq sutimpi imatachus niykichis jinataq kunariykichispas chayqa: ama Diosman mana riqsiq runakunajina kawsapuychisñachu, imaraykuchus paykunaqa pantasqa yuwayninkumajinam kawsakunku,

Colosenses 1:21 Qankunaqa imaymana mana allinkuna ruwasqaykichisraykuqa,

sunquykichispi Diospaq mana riqsisqa jinataq chhiqnikuqninkunam karqankichis. (Proverbios 21:27; Ezequiel 23:17)

Colosenses 2:18 Ajinaqa, ama piwampas juchanchachikuychischu, llamp'u sunquyuq runakunapas kachkankuman ajinata jamuchkanku jinataq angelkunaman yupaychaq runakuna kachkanku chaykunawanqa amapuni juchanchachikuychischu. Paykunaqa, nuqayku musquypijina rikuykunata rikuqmi kayku nispam ninku, chaywampas llullakuchkankum. Yuwayninkunaqa uma uqharisqankuwan junt'aykusqam kakuchkan, chaywampas imachus mana allin kachkan chayllatam yuwachkanku.

- 1 Tesalonicenses 5:14 Wawqipanakuna ajinallatataqmi pikunachus mana uyart'akuq kachkanku chaykunamampas k'amiykurinaykichispaq kunariykichis, pikunachus iskayakuspa puriykachachkanku chaykunatapas kallpachariyechis, pisi kallpakunaman yanapariyechis jinataq tukuywan llamp'u sunquyuq kaychis.
- 2 Tesalonicenses 2:2 ama piwampas pantay ñanman pusachikuychischu. Pipas Tata Jesuspaq kutimuynin p'unchay chayampunñam nispa nisunkichis chhikaqa ama mulljakuychischu. Ichapas wakinqa "Ch'uwa Ajayum ajinata niwan" nispa llullakunman, manachayqa nuqayku kikimpas ajinata yachachiykuman jinataq qilqaykumamapas ajinata llullakunkuman, amapuni mulljakuychischu.
- 1 Timoteo 6:5 sapa kutipas mana allin yuwaywan runakunata maqanjachiyllatam munakuchkan. Pikunachus chaykunata ruwanku chaykunaqa allin ruwaykunata mana ruway atiq pisi sunqu runakunallam kanku, imaraykuchus paykunaqa manam imachus chiqan kachkan chayta riqsichkankuchu. Imapi iyaw nispachus puriykachanku chayniqta ichapas achkha qulqita taripaspa qhapaqyankuman chayllatam yuwakuchkanku.
- 2 Timoteo 3:8 Imaynatachus Janes jinataq Jambrés runakuna Moisesjawa jatarikurqanku, ajinallatataqmi chay runakunaqa imachus chiqan kachkan chayjawapi jatarikullankutaq.

Tito 1:15 Pikunachus Jesucristoman chiqampipuni uyarinku chaykunapaqqa tukuy imapas allillampunim kakuchkan. Chaywampas pikunachus mana uyart'akuq jinataq mana iyaw niyuq kanku chaykunakaqpaqqa tukuy imapas mana allinllam kapullantaq, imaraykuchus mana allinkunallatam paykunaqa yuwakuchkanku, chaykuna ruwasqankumantapas manam sunqunkuta nanarichikuchkankuchu.

Hebreos 12:3 Chayrayku Jesuspaq ruwasqanmanta yuwarikuychis. Achkha jucharara runakunam paytaqa chiqnikurqanku jinataq ñak'arichirqanku, chaywampas payqa astawanmi ñawpaqman puriykurqan. Chayrayku qankunaqa ama sayk'uychischu, manataq iskayakuychispaschu.

Santiago 1:8 imaraykuchus kunan p'unchayqa ujta yuwachkan, q'ayataq wajta yuwapullantaq, chayrayku yuwasqampiqa manam chiqanchu kachkan.